



ԱՌԱՋՆՈՐԴԱՐԱՆ ՀԱՅՈՑ

Ա.Ս. ՆԱՀԱՆԳՆԵՐՈՒ ԱՐԵՄՏԵԱՆ ԹԵՄԻ

WESTERN PRELACY

OF THE ARMENIAN APOSTOLIC CHURCH OF AMERICA

H.E. ARCHBISHOP MOUSHEGH MARDIROSSIAN, PRELATE

Tel: 818-248-7737/8, Fax: 818-248-7745

E-mail: Prelacy@aol.com Website: www.westernprelacy.org



ՑԵՂԱՍՊԱՆՈՒԹԵԱՆ 95ԱՄԵԱԿԻՆ ԱՌԻԹՈՎ ՄԻԱՑԵԱԼ Ս. ՊԱՏԱՐԱԳ ԵՒ ԲԱՂԱՔԱԿԱՆ ՀԱՄԱՔՆԵՐ

Ցեղասպանութեան 95րդ տարեդարձին առիթով, Արեւմտեան Միացեալ Նահանգներու մեր Թեմը եւս յիշատակի արարողութիւններով ու ոգեկոչական հաւաքներով խոնարհեցաւ մեր բիւրաւոր Նահատակներուն յիշատակին առջեւ, միաժամանակ վերանորոգելով մեր անսակարկելի իրաւունքներուն պահանջատերի կեցուածքն ու զանոնք վերականգնելու յանձնառութիւնը:

Ուրբաթ, 23 Ապրիլի երեկոյեան, Նորթ Յոլիվուտի Հայց. Առաքելական եկեղեցւոյ մէջ տեղի ունեցաւ միացեալ Ս. Պատարագ: Պատարագիչն էր Թեմիս բարեխնամ Առաջնորդ Բարձր. Տ. Մուշեղ Արք. Մարտիրոսեան. Ս. Սեղանին սպասարկեցին Գերպ. Տ. Միւռն Ծ. Վրդ. Ազնիկեան եւ Հոգշ. Տ. Պարթեւ Վրդ. Կիւլիւմեան: Ներկայ էին Թեմիս հոգեւորականաց դասու անդամները: Աղօթակից եղան Հայ Կաթողիկէ համայնքի ժողովրդապետ Հոգշ. Տ. Անտոն Վրդ. Սարոյեան եւ Հայ Աւետ. համայնքի հոգեւոր հովիւ Վեր. Յովսէփ Մաթոսեան: Ներկայ էին Ազգ. Վարչութեան անդամներ, կուսակցական եւ միութենական ներկայացուցիչներ եւ ուխտապահ հաւատացեալներու բազմութիւն մը:

Պատարագի աւարտին, տեղի ունեցաւ հոգեհանգիստ. երեք համայնքներու հոգեւոր առաջնորդները արտասանեցին ոգեկոչական սրտի խօսքեր: Առաջնորդ Սրբազանը իր պատգամին մէջ վեր առաւ հայութեան դէմ գործուած պատմական ոճիրին ահագնութիւնը, հայրենիքին ու քրիստոնէական հաւատքին Նահատակներուն հաւատարմութիւնն ու պահանջատեր մնալու անոնց կտակը: Առաջնորդ Սրբազանը ընդգծեց, որ «մենք՝ Նահատակներու կտակին ժառանգորդներս, Ապրիլը չենք նկատեր միայն կորուստներու յիշատակման ամիս, այլ Ապրիլն ու տարուան իւրաքանչիւր ամիսը, իւրաքանչիւր օրը վերածած ենք արդարութեան հետապնդման հանգրուանի: Նահատակներու յիշատակման կողքին, կը յիշենք նաեւ մեր այն հերոսները, որոնք կերտեցին մեր հերոսամարտերը, 1915ին, թէ քսան տարի առաջ՝ Արցախի մէջ: Հաւատքի, հայրենիքի եւ մշակութային ժառանգութեանց հաւատարմութեան ճամբուն ինկած մեր Նահատակներուն կողքին, մեր հերոսամարտերը կերտողներ կը լուսաւորեն մեր պայքարի ուղին, Ցեղասպանութեան ղեկավարները զգետնող

արդարահատոյցները կը պատգամեն, որ մեր պայքարը բազմաճիւղ է ու յարատեւ, անոր թիրախն է իրաւունքներու վերականգնում, մարդկային ու նիւթական բոլոր կորուստներուն դիմաց արդար հատուցում»:

Ապրիլ 24ի առաւօտուն, Առաջնորդ Սրբազանը, հոգեւոր հայրերու ընկերակցութեամբ, մասնակից եղաւ երիտասարդական հաւաք-քայլարշաւին, որ կազմակերպուած էր Յովիվուտի մէջ, «Միացեալ Հայ Երիտասարդներ» կազմակերպութեան կողմէ: Առաջնորդ Սրբազանը կատարեց հաւաքին բացման աղօթքը, իսկ աւարտին, պատգամ մը ուղղեց մասնակից երիտասարդութեան, վեր առնելով մեր Դատին հետապնդման մէջ անոնց կենսական դերը եւ յորդորելով աննահանջ շարունակել պահանջատիրական երթը:

Աւելի ուշ, կէսօրին, Սոնթեպելլոյի Նահատակաց Յուշարձանին շուրջ տեղի ունեցաւ քաղաքական հաւաք. Առաջնորդ Սրբազանը, Ազգ. Վարչութեան ու Ժողովականութեան անդամներ մասնակից եղան հաւաքին, որուն հետեւեցաւ հոգեհանգիստ՝ հայկական բոլոր յարանուանութեանց Առաջնորդներուն եւ հոգեւորականներու մասնակցութեամբ:

Յիշեցնենք, որ Առաջնորդ Սրբազանը, հոգեւոր հայրեր, Ազգ. Վարչութեան անդամներ եւ ներկայացուցիչներ մասնակից եղան Նաեւ Սաքրամենթոյի, Լոս Անճելըսի, Փասատինայի, Կլենտէյլի քաղաքապետութեանց ոգեկոչական հաւաքներուն ու պաշտօնական արարողութեանց, ինչպէս նաեւ Յեղասպանութեան յիշատակման ձեռնարկներու:

95TH ANNIVERSARY OF THE GENOCIDE COMMEMORATED WITH DIVINE LITURGY AND COMMUNITY GATHERINGS

In the days leading up to, and including, April 24, 2010, Armenians worldwide commemorated the 95th anniversary of the Genocide with various events including Divine Liturgy, requiem, community gatherings, and protests.

Within the Western Prelacy, joint Divine Liturgy was celebrated among the Apostolic, Catholic, and Evangelical Churches on the evening of Friday, April 23rd, 2010, at the North Hollywood Parish. H.E. Archbishop Moushegh Mardirossian, Prelate, celebrated Divine Liturgy. He was assisted at the altar by Very Rev. Fr. Muron Aznikian, Very Rev. Fr. Barthev Gulumian, and clergy members. Among those in attendance were Executive Council members and representatives of community organizations.

The Prelate also delivered a message on this occasion, as did Very Rev. Fr. Andon Saroyan, Rector of the Armenian Catholic Church, and Rev. Joe Matossian, Minister of the Armenian Evangelical Union of N. America.

In his message, the Prelate exalted the faith of our martyrs and their sacrifice for faith and nation, and the responsibility of all to pursue justice and our rights. "We do not remember our martyrs on this one day only; we remember them each day as we work towards recognition, truth and justice", said the Prelate. "We remember also our heroes, who fought and defended our

lands, whether 95 years ago or 20 years ago in Artsakh, and who demonstrate that our struggle will not end until justice is served".

Requiem for the souls of our martyrs followed.

On the morning of April 24th, the Prelate and clergy participated in a protest rally in Little Armenia organized by the Unified Young Armenians. The prelate conducted the opening prayer and later delivered his message to the youth, commending their active role in our cause and urging them to continue on their path and mission undeterred.

In the afternoon, the Prelate and clergy participated in the community gathering at Bicknell Park in Montebello, organized by the Armenian Genocide United Commemorative Committee, which was followed by requiem service presided over by the spiritual leaders of three Armenian denominations.

In the days and weeks preceding April 24, the Prelate, clergy, and Executive Council members also participated in commemorations at the Sacramento State Assembly, Los Angeles, Pasadena, and Glendale City Halls, and various community-wide events.